



NUNA TAMATSINNUT

Qanga maannalu pissutsit assinngorlugit

Suliaq pillugu

Sapaatip akunnerani pinngortitamiinnissamut assiliinermillu sammisaqarnissatsinnut tikilluaritsi!

Sap.ak. una meeqqanut pinngortitami kusanartunik

assiliinermik ilikkagaqarusuttunut tulluarsagaavoq.

Assiliiviup atornissaa assilisassallu torrallannissaat ilinniartitsissutigissavavut.

Assiliineq pillugu ilinniarniarluta atuarfimmiissaagut aamma pinngortitamukassaagut illoqarfimmilu pisuttuassalluta.

Siliinermut pikkorissiinnarasi aammali illoqarfiup oqaluttuassartaa pinngortitarlu pillugit ilikkagaqassasusi anguniagaraavut.



Suliap ingerlanissaa



Ilinniartitsissut 1

Assiliinermik
ilinniartitsineq

Qanillisillugit
assiliinermik
qaamanerillu pillugit
ilinniarneq

Suminggaanniit
assiliinermik
qanimullu
assiliinermik
sungiusarneq



Ilinniartitsissut 2

Utoqqaat
meeraanilikkersaarn
erat pillugu filmit
isiginnaarlugit

Assiliinermik
sungiusarneq –
sunnigiffinni
sulerisarpit?




Ilinniartitsissut 3

Pisuttuarneq
assiliinermillu
sungiusarneq:
Sumiiffimmi
immikkut ittumi
assiliineq



Ilinniartitsissut 4

Assiliivilisarluni
qaqqamukarneq



Ilinniartitsissut 5

Assilisanik
suliareqqiineq






Ilinniartitsissut 1

Assiliinermik
ilisarititsineq

Ilinniartitsissummi pilersaarut

1.

	Imminnut ilisaritinnerat
	Assiliivimmik assiliineq qaamanerlu pillugit atuarneq oqaloqatigiinnerlu
	Qanillisillugu immissinnut assiligitsi, qaamarngup tungaanut qaamarngullu saqqaqqasaani assiliigitsi.

Assiliivik

Assiliiviit ullumikkut pissarsiariuminarput. Assiliiviit suliami matumani atorpeqarsinnaasut arlaliupput:

- Mobiili
- iPad
- Assiliivik / Kompaktkamera
- Assiliivivik / Spejlreflekskamera

Assiliiviit assigiinngitsut pitsaaquteqarput pitsaanngiquteqarlutillu, oqakkajuttoqartarporli “assiliivik pitsaanerpaaq tassaavoq pigisat”.

Assiliiviit tamarmik kusanartunik assiliisinnaapput, atornissaat ilinniaraanni.



Qanillisiguk ungasillisillugulu

Siullermik assiliiviup qanillisittarnera
misissulaassavarput:

Mobiilit iPadillu qanillisitsisinnaapput.

Malugiuk ilaat arlalinnik qanillisitsisinnaa

-sunik arlalinnik atortoqarput sulilu asseq
kusanarsinnaalluni. Qanillisikkaanni telemik
taaneqartumik pissarsisoqartarpoq
ungasillisikkaannilu. Vidvinkelimik taaneqartumik
pissarsiso-qartarpoq.

Qanillisikkaanni isiginiagaq qanillineqar-tarpoq,
tunuliaqutaatalu takuneqarsinnaa-nera
annikinnerulertarpoq.

Taamaaliornikkut inuk qaninnerulersinne-qartarpoq-
tamannalu oqaluttuassarta-qarsinnaavoq.

Portræt: Niaqoq qanillillugu



Tamakkerlugu.

Qanillisitaavoq timaali
tamaat
takuneqarsinnaalluni.

Ass. 3 -
Ungasillisitaq,
assimi
terianniaq
mikisutut
isikkoqarpoq.



Qaamaneq takuuk

Assiliineq isumaqarpoq
'qaamaneq atorlugu
titartaaneq'. Qaamanerlu
qaamanerinnaanngilaq

Qaamaneq qituttusinnaavoq
sakkortuujusinnaallunilu,
kissalaartuusinnaavoq
nillertuusinnaallunilu.


Maanna qaamarngup
tungaanut seqernullu
saqqaqqasaani saneraaniillu
assiliinermut tunngasunik
sammisaqalaassaagut.



Qaamarngup tungaanut
saatsillugu assiliinermi
assilineqartoq seqinermut
sammisarpoq, taamaalilluni
assilineqartoq
qaamanermiittarluni.




Saneraaniit assiliinermi assilisap
illuatungaa qaamasumiittarpoq.
Tamanna ass. kiinnami
tarraqalersitsisarpoq
soqutiginartunillu
ilusinitsitsisararluni.



Seqerngup saqqaqqasaanut
assiliinermi assiliivik seqinermut
sammitinneqartarpoq.
Soqutiginartunik
pissanganartunillu
tarraqalersitsisinnaavoq.

Assiliineq - suliassat



Suliassaq 1: Assiliiviup qanillisaataata atorneratigut immissinnut assiligitsi.

Qanillillusi ungasillillusilu immissinnut assiligitsi. Assiliivimmi qanillisaat ungasillisaallu atorlugit assiliigitsi.

Niusi aamma atorsigit, pisugitsi ungasilliartorusilu. Tunuliaqutaa eqqarsaatigisiuk. Oqaluttuaq takutinniarneqarpa assilineqartorluunniit isiginiarnarpa?



Suliassaq 2: Qaamarngup tungaanut saatsillugu, saneraaniit seqerngullu saqqaqqasaani assiliigit.

Assiliniagaq kaajallaguk qaamanerlu qanoq allanngorarnersoq takullugu.


Amerlasuunik assiliigit, taamaalillutit naggataatigut assit pitsaanerpaat toqqarsinnaajuaannarsinnaaniassavatit allallu peersinnaallugit.

Assip isikkua

Assilisami arlalinnik
takutitsisoqarsinnaavoq.

Assimi takutinniakkat
sumiissappat?

Assip isikkuanu kusanartumi
assiliisup ersersiniagaq
pingaarneq siullertut
takutinniartarpaa. Assip
isikkuanut
siunnersuutitsialannguit
aajuku





Assip saatungaa,
qeqqaniittoq
tunuliaqutaalu
takusinnaavigit?

Pingaarnertut suna
ersersinniarneqarpamita
?

Assimi titarnerit
nassaarikkit
toqqaannartumillu
assimut titarniliillutit.


Suminngaanniit assiliineq

**Assiliiviup sammivilerneratigut
assimi ersersinniagaq
suminngaanniit
assiliineqarnersoq
takusinnaavarput.**

Ersersinniagarput ataaniit
assilisinnaavarput, naligalugu
assilisinnaavarput
qulaaniilluunniit
assilisinnaavarput.


Ersersinniakkatsinnut qanoq
misiginerput assut
pingaaruteqarpoq.

Ataaniit



Ataaniit assiliiguit
ersersinniakkat
anginerorpassinnaavoq
pingaarnorpassinnaallunilu
unniit.

Naligalugu



Ersersinniagaq
nalinginnaanerorpassippoq
paasissutissallu ersersinniarlugit
atorneqakkajuttarluni.

Qulaanit



Qulaaniit assiliiguit
ersersinniakkat
mikinerorpassinnaavoq
soqutaannginnerusutullu
isikkoassaaq.



Siunnersuut: Assiliisutut sammiviit assigiinngitsut misilerarlugit assileeqattaarnikkut pitsaanerpaamik assiliisoqartarpoq. Soqutiginarumik sammivimmik nassaarniarlutit seeqqummerit, pallorit qaqersarlutilluunniit.

Qanimut assiliineq


Nunarsuaq kusanartorpassuaqarpoq, taamaammatt qanillillugit assilikkit. iPad mobiililuunniit atorukku assiliivik qanillisikkukku iluaqutaasinnaavoq imaluunniit assiliivik macromik atortoqarnerseq misissorsinnaavat.

Assiliininni assiliivik uninngateqqissaaruk qaammallattaataalu aamma atorlugu assiliigit, taamaaliornikkummi assip 'qeritinnissaanut' iluaqutaasinnaammat.

Ulluinnarni ujaqqat, siku, naasut sumiluunniit soqutiginartumik assilineqarsinnaapput, nassaariinnagassaapput.



Assiliineq - suliassat



Suliassaq 3 : Qulaaniit, ataaniit naligalusilu immissinnut assiligitsi.

Gruppikkaaritsi sammivinniillu assigiinngitsuniit pingasuniit immissinnut assililsi: qulaaniit, naligalugu qulaaniillu.

Kingorna ataatsimut assit misissorsigit eqqartorsiullu assimi inuk anginerorpasinnersoq, mikinerorpasinnersoq, ersinarpasinnerunersoq nuannerpasinnerunersorluunniit.

Piffissaqarussi ersersinniakkasi assigiinngitsut nassaareriarlugit sammivinnit assigiinngitsunit assilisinnaavasi.



Suliassaq 4: Qanimut assiliigitsi.

Arlaat mikisunnguaq qanillillugu assiliguk, ass. naasoq, ujaqqap qalipaa, sikumi allak aqerluusarluunniit.

Assip isikkua pillugu immikkoortumi ilikkakkasi eqqarsaatigisigit. Saap tungeqarpa? Tunuliaqutaani soqarpa? Ersersinniagaq pingarneq qeqqaniissava? Amerlasuunik assiliigit, taamaalillutit assinik kusanartunik pissarsinissat ilimanaateqarnerussammat, assillu ilaat kusanangitsut kingusinnerusukkut peerneqarsinaapput.

Siunnersuut: Sammivinni assigiinngitsuni assileeqattaarnikkut kusanartunik assiliisoqakkajuttarpoq. Seeqqummernikkut, pallornikkut qaqersarnikkullu sammivit soqutiginartut misilittakkit.









Ilinniartitsissut 2

**Utoqqaat
oqaluttuaat**

Ilinniartitsissummi pilersaarut

2.

	<p>Utoqqaat pillugit video takuuk.</p>
	<p>Anitsiaraangassi ornittakkasi ornissigit sunngiffissinnilu sulerisarnelusi takutissiuk.</p>
	<p>Sulerinersi takutinniarlugu immissinnut assiligitsi. Paarlakaallusi assilitillusilu assiliisarsinnaavusi – sammiviit assigiinngitsut atorsigit.</p>
	<p>Iseqqigitsi assillu misissorsigit. Assit sorliit kusanarnersut kusanarnerulersinnaanersullu eqqartorsigit.</p>

Filmeeqqat pingasut

Filmeeqqat pingasut ukuninnga oqaluttuartullit isiginnaassavavut:

- Sofie Boassen
- Akaaraq Samuel Olsen
- Carla Rosing Olsen

Oqaluttuanik takorluuilersitsisunik utoqqaat pingaarutilinnik imaqarluartunillu oqaaseqarput. Filmeeqqat tamarmik 5-6 minutsinik sivilissuseqarput.

Ilissinnut apeqqut:

- Utoqqaat ullumikkut atugarinngisatsinnik oqaaseqangaatsiarput. Eqqaasaqarsinnaavisi?
- Taaguutit sumiiffilersuutit maluginiarsigit klassimilu eqqartorlugit.
- Aasaanerani ukiuuneranilu sulerisarsimappat?
- Utoqqaat pinnguartarsimanitik oqaluttuaraat ilissi qanoq sumilu pinnguartarpisi?



Sofie



Akaaraq



Carla

Avannaa

- anna
- aajanna
- taavani
- aajingga

Kitaa


- sanna
- tasanna
- tasamani
- tasama

Kangia

- panna
- tappanna
- tappavani
- tappava

Kujataa

- qanna
- taqqanna
- taqqavani
- taqqava







Ilinniartitsissut 3

**Sumiiffik
immikkut
ittoq**



Ilinniartitsissummi pilersaarut

3.

	<p>Illoqarfiup assingani sumiiffiit toqqakkasi nassaarisigit. Illoqarfissinni assitoqaq pisimavarsi. Illoqarfiup assingani nassaarisiuk.</p>
	<p>Sumiiffiit toqqarneqarsimasut pisullusi ornissigit.</p>
	<p>Assitoqqami assiliiffiusimasumut apuukkussi assitoqaq ilaarlugu assiliigitsi.</p>
	<p>Atuarfimmi assit misissorumarpavut. Assit sorliit kusanarnersut kusanarnerusinnaanersullu eqqartussavavut.</p>

Illoqarfiup ineriartornera

Assimi qullermit assimut allermut illoqarfik qanoq ineriartorsimanersoq takuuk.

1. Assini marlunni suna assigiinngissutaava?
2. Suna allanngorsimava?

1.



2.



Assiliineq - suliassat



Suliassaq 1 : Assitoqaq pisimasarsi orneriarlugu assiliigitsi.

Killingusaaq naligiisillugu assiliigitsi.

Biileqartillugu inoqartillugulu assiliisinnaavusi.
Taamaaliornikkut asseq uumassuseqassaaq.

Ilinniartitsissummi 1-imi ilikkarsimasasi
eqqarsaatigisigit.



Suliassaq 2: Assitoqqami sumiiffimmut orniguteriarlusi assitoqaq tigullugu asiliigitsi.

Assitoqaq ilaarlugu ullumikkut qanoq
assiliisoqarsinnaanersoq takuniarlugu quppernerup
siulia takuuk.

Suna allannguutaasimanersoq maluginiaruk.






Ilinniartitsissut 4

**Assiliiniarluni
qaqqaliarneq**

Ilinniartitsissummi pilersaarut

4.

	<p>Ataatsimoorlusi qaqqaliaritsi atuarfiulluunniit eqqaanukaritsi.</p>
	<p>Naasut, ujaqqat, itersat, uumasut il.il. assilisigit. Ilikkakkasi malillugit sammivinnit assigiinngitsunit assiliigitsi.</p>
	<p>Assigiinngitsut tallimat nassaarikkat kusanartumillu assilillugit: naasut, uumasut qaarsulluunniit.</p>


Qaqqami sammisaqarneq

- Oqaluttuartunit sumiissusersiutit sammiviillu eqqaamavisigit?
- Uumasunik timmissanillu nunami aqqutissinni takusassinnik assiliigitsi.

Eqqarsaatigisiuk:

- Assip isikkua, qaamaneq, assip saava tunuliaqutaavlu. Killingusaaq agguaqatigiisinnerup assip qulaanut ataanulluunniit inissillugu pitsaanerpaasarpog. Ersersinniakkat amerlasuunik assiliguk, taamaalillutit sammivik pitsaanerpaaq nassaarisinnaaniassagakku.
- Pinngortitami arlaleriarlutit assilisinnaasatit assigiinngitsut tallimat nassaarikkit. ass. Quajaasat, paarnat, issuatsiaq, aput, siku, qaarsoq, qimmeq qimuttoq, uumasuaqqat, tulugaq, ujarak, ivikkat, taseq, imaq.

Qajaasat aajuku






Ilinniartitsissut 5

**Assinik
suliareqqiineq**




Ilinniartitsissummi pilersaarut

5.

	<p>Asseq suli kusanarnerulerniassammat qanoq assimik suliarinnittoqarsinnaanersoq eqqartorsiuk. Siusinnerusukkut ilikkarsimasasi eqqaamasigit.</p>
	<p>Assiutisi killorsigit qalipaataalu aaqqissorlugit il.il.</p>
	<p>Assit toqqarsimasasi saqqummiussigit.</p>

Assinik suliareqqiigit

Asseq kusanartuq kusanarnerulertuaannarsinnaavoq taamaaliortoqarsinnaavorlu assinik suliareqqiinissamut programmimi. Assinik killuinissinnik assit kusanartuunissaannut siunnersuutit paasisimasasi eqqaamassavasi




Asseq kusanartunngortipallanneqarsinnaavoq:

- Killingusaaq aaqqiguk, naligiinniassammat
- Qaamanerulersiguk taarnerulersilluguluunniit
- Qalipaaitit allanngortikkit qalipaataarutsilluguluunniit
- Asseq kontrastileruk.



Assiliisup arnaq sisorartuq takutikkusuppa. Assip killorneratigut pisariaqanngitsut 'killorneqarsinnaapput', taamaalilluni pingaarnertut ersersinniagaq taamaallaat takutinneqassaaq.

Assiliineq - suliassat



Suliassaq 1: Assinik suliareqqiigit!

Assileeqattaarninni assit tallimat toqqakkit.

Asseq killoruk. Asseq killingusaaqarpat agguaqatigiisinnerup pingajuanut assip qulaanut ataanulluunniit inissikkit.

Asseq qaamanerulersiguk taarnerulersilluguluunniit.

Kontrasti, ersarissusaa pinnguariguk. Sorleq kusanarnerorpasippa? Qalipaataarutsiguk, taamaallaat qernertoq/qaqortoq qalipaataalersillugit. Qanoq ippa?



Suliassaq 2: Assilisaat klassimi saqqummiuguk

Asseq allanut saqqummiuguk, asseq sooq taannarpiaq toqqarsimanerlugu nassuiaruk.



Naggasiineq

Assiliinissinni suna ilikkarpisiuk?
Suna nuannernerpaasimava?



Ilinniartitsissut

1:



Ilinniartitsissut

2:



Ilinniartitsissut

3:



Ilinniartitsissut

4:



Ilinniartitsissut

5:



A close-up photograph of a person's hands holding a black Canon camera. The person's face is partially visible in the background, looking through the viewfinder. The camera has a flash attached to the top. A semi-transparent green rectangular overlay is positioned on the left side of the image, containing white text. The text is in a sans-serif font and is arranged in two lines, with a horizontal line separating them.

Ilinniartitsissut 6
(tilvalg)

Guide: Assiliivivik
/ Spejlrefleks-
kamera

Assiliiviviit atornissaannut ilitsersuut



Suliniuummi matumani assiliiviit suulluunniit atorsinnaanissaat eqqarsaataavoq, aamma oqarasuaammi iPadimiluunniit assiliivik aallaavigineqarsinnaalluarpoq. Minnerunngitsumik assiliiviup 'ilumoortup' atornera immikkuullarissuuvoq.

Taamaammat Tilioq assiliivivinnik Canoninik (EOS R100) aningaasaliiffigineqarsimavoq, taakkulu assiliinermut atatillugu atuarfinnut atukkiunneqarsinnaapput. Pisariaqassappat Tiliuumut info@tilioq.gl-imut attaveqarsinnaavusi.

Assiliivivinnik assiliinissamik ilinniarusukkaanni quppernerti tulluuttuni tunngaviusumik assiliinermi teknikki ilisimassallugu iluaqutaasusaaq sammineqassaaq. Assiliivivinnik atuigaanni assiliinermili teknikki sammerusunngikkaanni assiliiviup auto-funktionia atorneqaannarsinnaavoq.

Assiliivik piffissap ingerlanerani sukumiinerusumik misilittarneqarsinnaasunik toortagassarpassuaqarpoq. Mobiilip iPadilluunniit assiliiviata teknikkia pitsaanerpaaq nassaarissagaanni ilaannikkut assiliiviit 'ilumoortut' atornissaat pisariaqartarpoq. Taamaammat assit ersernerlussinnaapput; iluamilli suliareqqinneqarpata kusanartumik inerineqarsinnaapput.

Assiliinermi teknikkimut tunngatillugu atortut pingaarnarpaat quppernerti tulluuttuni allassimapput.

Tassunga ilassutitut Youtubemi assiliiviup atornissaanut ilitsersuutip takunissaa innersuussutigineqarpoq.

Video 'Canon R100 Tutorial - Complete Beginner Guide' 25 minutsinit sivikinneruvoq, assiliiviulli pisinnaasai tamaasa takutinneqarput. Video tuluttuujuvoq.

Lukketid

Assiliivik assiliiguni tarrarsuummik klappiluunniit qaamanermik isertitsisussaq ammassaaq.

Klappi sivilisunerusumik ammaguni qaamaneq isertilluarsinnaanerussavaa. Tamannalu lukke-tidimik taaneqartarpoq.

Taamaamat assiliiviup qaamanermik isaatitsinerata nalaani assiliiviup saani aalasut ersernerluttarput.

Assiliiviup qaamanermik isaatitsinerata nalaani aalagaanni assilisaq ersernerlussaaq, asserli erseqqissuutikkusukkaanni sivilisuumik lukke-tideqarnerata nalaani assiliigaanni, soorlu assimi saamerlermi qullermi takuneqarsinnaasutut, assiliivik uninngateqqissaarneqassaaq. Tassani stativi atorpeqarpoq, aammali assiliivik nerrivimmut ujaqqamulluunniit ilineqarsinnaavoq sapinngisamilluunniit uninngaqqissaarniartoqarsinnaavoq.

Assit ersernerlutsikkumanagit lukketid minnerpaamik sekuntimut 1/50-imiitineqassaaq.

Assiliiviup qaani attataasap M-imukartinneratigut Tv-mukartinneratigulluunniit lukkertid inissiguk.



1/8 lukketid sivilisooq. Aalasoqartooq takuneqarsinnaavoq. Stativilerluni taartumi taanna atorpeqarsinnaavoq



1/500, lukketid sivilisooq. Asseq uninngavoq. Timersortut assilineqarluarsinnaapput.

Assiliiviup qaamanissaminut iluarsartuussutaa

Assiliiviup iluarsartuussutaa lukketiditulli aaqqissorneqarsinnaavoq, tassa qaamaneq qanoq annertutigisoq assiliivimmut isertinneqassanersoq aaqqissorneqarsinnaavoq. Assiliiviup qaamanissaminut iluarsartuussutaa ass. 4.5-imut annikillisikkaanni qaamaneq isernerussaaq, 11-miikkaannili qaamanikinnerussalluni, taamaalillunilu lukketid ajornanngitsumik pissarsiarineqapallassinnaavoq ersersinniagarlu uninngatinneqarsinnaavoq taamaalillunilu assit ersernerlussanngillat.

Assiliiviup qaamanissaminut iluarsartuussutaani aqunneqarsinnaavoq qinngortussusaa qanoq annertutigissanersoq.

Kisitsisit annikinneruppata ersersinniakkat annikinnerussapput. Assini saamerlermiittuni takuneqarsinnaavoq assimi qullermi assiliiviup iluarsartuussutaa 2,8-miittoq ersernerluttumillu tunuliaqutaqartoq, ataaniittorli 8-miittoq taamaammallu tunuliaqutaa ersernerlunginnerusoq.

Tunuliaqutaa ersernerlutsissagaanni: assiliiviup iluarsartuussutaa annikillisinneqassaaq (ass. 4,5-imiitillugu).

Tunuliaqutaa erseqqaritsissagaanni: assiliiviup iluarsartuussutaa annertusineqassaaq (ass. 16-imiitillugu)

-Eqqaamajulli assiliiviup iluarsartuussutaa annertunerutikkaanni qaamanikinnerussaaq taamaalillunilu lukketid sivilunerussalluni.

Assiliiviup qaavani attataasap M-imut Av-imulluunniit nuunneratigut assiliiviup iluarsartuussutaa iluarsiguk.



F2.8, assiliiviup iluarsartuussutaa allisillugu. Assiliiviup iluarsartuussutaa annikitsikkaanni ammanera anginerusarpoq. Qinngortussusaa annikippoq.



f.8 assiliiviup iluarsartuussutaa annikillisillugu. Assiliiviup iluarsartuussutaa annertutikkaanni ammanera mikinerusarpoq. Ersersinniagaq tunuliaqutaalu ersarissisinneqassapput.

ISO – qaamanermut malussarissuseq

Pingajuattut iliuuserineqarsinnaasoq tassaavoq:

Assilisap qanoq qaamatiginissaa taamaalillutillu assimi aalasut qanoq 'uninngateqqissaassaneritit' aalajangerniarlugit ISO atorsinnaavat.

Assiliivimmi ISO-mut kisitsisip annertutinneratigut assiliivik qaamanermut malussarinnerutissinnaavat, taamaalilluni taartumi assiliisoqarsinnaavoq.

Assiliiviup qaamanissaminut iluarsartuussutaa lukketidilu assigalugit allatut sunniuteqarsinnaavoq. ISO qaffasippat asseq ersernerlunnerusaaq.

Taamaammat qaamaneqarluarpat ISO-mi kisitsisit annikinnerutillugit assilinissaat innersuussutigineqarpoq, ass. 100-miitinneqarsinnaavoq, taamaalilluni asseq erseqqinnerusaaq.

Illuatungaanilli taarnerusumi assiliissaguit ISO-mi kisitsisit qaffasinnerunissaat innersuussutigineqarpoq, ass. ISO 3200-imiitinneqarsinnaavoq, taamaalilluni ersernerlunginnerusaaq.

Taartumi assiliiviup qaamanissaminut iluarsartuussutaa annikillisinneqassaaq (4,5) ISO-milu kisitsisit qaffanneqassallutik (3200). Tamatumalu peqatigisaanik sapinngisamik assiliivik uninngateqqissaarneqassaaq, qulleq atorineqarsinnaavoq qaammaallatsitsisoqarsinnaalluniluunniit.

Assiliiviup tunuani joystickip ammalortup attataasap ISO-p saamimmut nikinneratigut ISO aqqissinnaavat, taamaaleriarlutit assiliiviip qaavaniittoq ammalortoq aqqissavat.



ISO 100

Assit kusanarnerusut. Qaamaneqarluartinneratigut.



ISO 3200

Qaamanikitsinneratigut erseqqinnerusumik assiliisoqarsinnaavoq. Pixelimili kukkuneqarsinnaavoq.